


卷一の十三の十六

143-

対

百四十三



百五十一



通鑑紀事本末

唐高宗

續文獻通考卷之一百四十三

謚法考

唐帝后太子謚

獻祖隴西成紀人姓李氏名熙魏弘農太守重耳之子  
仕爲金門鎮將武德元年追謚爲宣簡公高宗上元  
元年尊爲宣皇帝玄宗開元十一年號曰獻祖 妣  
張氏謚宣莊皇后

懿祖名天賜熙子仕魏爲幢主武德元年追謚懿王上  
元元年謚爲光皇帝開元十一年號爲懿祖 妣賈  
氏謚光懿皇后

烈祖名虎，賜子仕周，封唐公，薨，謚襄公。隋恭帝義寧元年，謚爲景王。武德元年，謚爲景皇帝，廟號太祖。妣梁氏，謚景烈皇后。

世祖名昞，景皇子，仕隋，襲封唐公，薨，謚仁公。武德元年，追謚元皇帝，廟號世祖。妣獨孤氏，謚元貞皇后。

高祖名淵，字叔德，元皇子，以隋義寧二年受禪。武德元年崩，謚太武。上元元年，改謚神堯。天寶十三載，增謚大聖。大光孝皇帝，廟號大祖。竇皇后，京兆平陵人。父毅，仕周，爲上柱國，尚武帝姊襄陽公主，生后。后早

崩。義寧元年，謚穆妃。武德元年，謚穆皇后。上元中，增謚太穆神皇后。天寶八載，增太穆順聖皇后。

太宗名世民，高祖第二子。武德元年，誅建成，立爲皇太子。未幾，內禪。貞觀二十三年崩，謚文上元。元年，改謚文武聖皇帝。天寶八載，增謚文武大聖。大廣孝皇帝，廟號太宗。長孫皇后，河南洛陽人，父晟，仕隋，爲右驍騎將軍，后極賢。貞觀十年崩，謚文德。上元中，益謚文德聖皇后。天寶八載，增謚文德順聖皇后。

高宗名治，字爲善，太宗第九子。貞觀二十三年即位。

道元年崩謚天皇大帝天寶八載改謚天皇大聖十  
三載增謚天皇大聖大弘孝皇帝廟號高宗 武皇  
后并州汾水人父士驩母楊氏后崩於神龍元年謚  
則天大聖天寶八載改謚則天順聖皇后

中宗名顯高宗第七子弘道元年即位嗣聖元年廢爲  
太子神龍元年復位景隆四年爲韋后所毒崩謚孝  
和天寶十三年加謚大和大聖大昭孝皇帝廟號中  
宗 趙皇后京兆長安人父瓌尚高祖女長樂公主  
生后后爲武后幽死神龍元年追謚恭天寶八載增

謚和思順聖皇后 照容上官氏名婉兒父庭芝母  
鄭氏昭容有文才黨于韋后韋后之敗斬闕下景雲  
中追謚文惠

睿宗名旦高宗第八子以相王迎卽位先天元年傳位  
太子開元四年崩謚大聖真皇帝天寶十三載增謚  
玄真大聖大興孝皇帝廟號睿宗 劉皇后爲武氏  
所殺景雲元年追謚肅明 竇皇后父孝湛帝爲相  
王納爲孺人生玄宗薨景雲元年追謚昭成天寶八  
載與劉皇后俱加謚順聖

初太常加謚竇后曰大昭成或言法宜引聖真冠謚而曰大昭成非也以單言配之應曰聖昭若睿成以復言配之應曰大聖昭成聖真昭成又引秦穆皇后始謚穆及高祖崩合帝謚曰秦穆追增秦穆神皇后文德皇后始謚文德及太宗崩合謚文德順聖皇后又援范曄著漢光烈等爲比太常謂曄以帝號標后謚是史家記事體婦非必與夫同也入廟稱后繫夫在朝稱太繫子文母生號也文王既沒謚也周公豈以婦從夫乎漢法不可爲據制曰可天寶八載詔自

秦穆而下天皇后並增上順聖二字云

玄宗名隆基睿宗第三子先天元年卽位天寶十五載傳位太子後七年崩謚至道大聖大明孝皇帝廟號玄宗 武皇后父攸止封恒安王后初爲惠妃有寵幾欲爲后以諫而止開元時薨贈皇后謚貞順 楊皇后華州華陰人父知慶位太尉后初爲貴嬪生肅宗薨至德二載謚元獻皇后 麗妃趙以倡幸開元十四年卒謚和

肅宗名亨玄宗第三子天寶十五載卽位靈武寶應元

年崩謚文明武德大宣孝皇帝廟號肅宗 吳皇后  
濮州濮陽人父令珪后幼入掖庭以選入太子宮生  
代宗年十八薨代宗即位追尊爲皇后謚章敬  
代宗名俶肅宗長子寶應元年即位大曆十四年崩謚  
睿文孝武皇帝廟號代宗 獨孤后不知何所人父  
穎左威衛錄事參軍后初爲貴嬪大曆十年薨追號  
爲皇后謚貞懿 沈皇后吳興人開元末以良家子  
入東宮遂以賜廣平王生德宗遭祿山之亂失后所  
在元和初追尊爲太皇太后謚睿真

德宗名适代宗長子大曆十四年即位貞元二十一年  
崩謚神武聖文皇帝廟號德宗 王皇后本仕族女  
帝爲魯王時納爲貴嬪生順宗貞元三年將冊爲后  
崩乃謚昭德皇后

順宗名誦德宗長子貞元二十一年即位元和元年崩  
謚至德大聖大安孝皇帝大中三年加謚至德弘道  
大聖大安孝皇帝廟號順宗 王皇后瑯琊人帝在  
東宮冊爲良姊將立爲后会帝病棘而止后性仁順  
宮中化其德生憲宗元和十一年崩謚莊憲皇后

續文獻通考  
憲宗名純順宗長子永貞元年受內禪元和十五年崩  
謚聖神章武孝皇帝大中三年加謚昭文章武大聖  
至仁孝皇帝廟號順宗 郭皇后汾陽忠武王之孫  
女父曖母昇平公主元和元年冊爲貴妃生穆宗穆  
宗立尊爲皇太后宣宗之母孝明皇后故后侍兒有  
曩然后因暴崩謚懿安 鄭皇后冊陽人初爲李錡  
侍人李錡反沒入掖庭侍懿安帝幸之生宣宗宣宗  
立尊爲皇太后咸通六年崩謚孝明  
穆宗名恒憲宗第三子元和十五年卽位長慶四年崩

謚睿聖文惠孝皇帝廟號穆宗 王皇后越州人本  
仕家子幼侍帝東宮生敬宗敬宗立尊爲皇太后會  
昌五年崩謚恭僖 蕭皇后閩人帝爲建安王后得  
侍生文帝文帝立尊爲皇太后大中元年崩謚貞獻  
韋皇后失其先世帝爲太子后得侍生武宗長慶  
時冊爲妃薨武宗立追尊爲皇太后謚宣穆

敬宗名湛穆宗長子長慶四年卽位寶曆二年崩謚睿  
武昭愍孝皇帝廟號敬宗 郭貴妃無謚

文宗名昂穆宗第二子寶曆二年卽位開成五年崩謚

元聖昭獻孝皇帝廟號文宗 楊王二妃無謚

武宗名炎穆宗第五子開成五年即位會昌六年崩謚

至道昭肅孝皇帝廟號武宗 王賢妃無謚

宣宗名忱憲宗第十三子會昌六年即位大中十三年

崩謚元聖至明成武獻文睿智章仁神聰懿道大孝

皇帝廟號宣宗 龜皇后不詳其世初為美人生懿

宗大中中薨追冊為皇太后謚元昭

懿宗名漼宣宗長子大中十三年即位咸通十四年崩

謚昭聖恭惠孝皇帝廟號懿宗 王皇后未詳其世

咸通中為貴妃生僖宗七年薨十四年追尊為皇太

后謚惠安

僖宗名儇懿宗第五子咸通十四年即位文德元年崩

謚惠聖恭定孝皇帝廟號僖宗 王皇后其至微咸

通中得幸生昭宗薨昭宗立追號為皇太后謚恭憲

昭宗名晬懿宗第七子文德元年即位天祐元年為朱

全忠所弑謚聖穆景文孝皇帝廟號昭宗 何皇后

為朱全忠所害無謚

初昭宗時蘇循子楷因覆試不舉有憾于帝及帝被



弒政出于梁楷與張廷範等相結因謂廷範曰夫  
者所以易名而責實也前有司謚先帝曰昭名實不  
稱公爲太常予史官也不可以不言乃上疏駁議廷  
範議曰臣聞執事堅固之謂恭亂而不損之謂靈武  
而不遂之謂莊在國逢難之謂閔因事有功之謂襄  
請改謚昭宗皇帝曰恭靈莊閔皇帝廟號襄宗及  
唐明宗時大臣欲理其駁謚之罪以憂死

哀宗名祝昭宗第九子天祐元年卽位四年爲朱全忠  
所篡降封濟陰王梁開平二年遇弒謚哀後唐明宗

追謚昭宣光烈孝皇帝廟號景宗

太子建成高祖子貞觀時謚隱

太子承乾太宗子開元中謚愍

敬皇帝 妃裴氏謚哀皇

后

太子重俊中宗

時中書舍人韋湊曰王者

道善善

著惡惡明也賞罰所不加則考行立謚以褒貶之臣  
議其君子議其父曰靈曰厲者不敢以私廢公也臣

伏觀故太子與多祚等擁北軍犯宸居破扉斬關六  
指黃屋騎騰紫微先帝御玄武門親諭順逆太子據  
鞍自若督衆不止逆黨悔非回兵執賊多祚伏誅太  
子乃遁去明日帝見郡臣淚數行下曰幾不與公等  
相見其爲危甚矣昔漢成帝爲太子行不敢絕馳道  
推此則太子稱兵宮中爲悖已甚以斬三思父子而  
嘉之平則弄兵討逆以安君父可也因欲自立則是  
爲逆又豈可褒此時韋氏逆未著義未絕于太子母  
也子無廢母之理以中宗命廢之則又劫父廢母且

君或不君臣安可不臣父或不父子安可不子晉太  
子申生謚曰恭衛太子據謚曰戾今太子乃謚節愍  
臣所未諭帝懼然稱乂而大臣重改竟不從

太子寧憲宗子貞元中謚惠昭

太子永文宗子文宗時謚莊恪

唐宗室謚

劍南節度按察使贈工部尚書濬懿祖之裔開元中謚  
成濬子太子少傅贈太子太傅褒國公麟乾元初

謚德

蔡王蔚烈祖子周朔方總管武德中封王謚烈 蔚子

西平王安武德中謚懷 蔚子河間王孝恭貞觀中

謚孝 亮子襄邑 神符永徽中謚恭 亮曾孫鄭

滑節度使檢校尚書右僕射贈司空復貞元中謚昭

神符五世孫彭原郡公程武宗時謚繆

永安王孝基烈祖孫武德初謚壯

淮南王道玄烈祖孫武德初謚壯

長平王叔良烈祖孫武德中謚肅

隴西王博義世祖孫高宗時謚恭

渤海王奉慈博義弟高宗時謚敬

衛王玄霸高祖子武德中追謚懷

巢王元吉高祖子貞觀初追謚勅

楚王智雲高祖子武德元年追謚哀

鄴王元亨高祖子貞觀中謚悼

徐王元禮高祖子高宗時謚康

彭王元則高祖子貞觀中謚思

鄭王元懿高祖子高宗時謚惠 總五世孫汧國公勉

德宗時謚貞簡

魏王鳳高祖子謚莊

道王元慶高祖子高宗時謚孝

鄧王元裕高祖子謚

江王元祥高祖子謚安

密王元曉高祖子貞觀中謚貞

濮王泰太宗子高宗時謚恭

蜀王愔太宗子咸亨初謚悼

瑯琊王冲太宗孫謚敬

父貞討武氏不克與冲俱死削爵開元四年復爵土

有司議死不忘君宜謚敬從之

江王囂太宗子謚殤

曹王臯明曾孫太宗玄孫憲宗時謚成

旅王孝高宗子神龍初追謚悼

贈皇太子賢高宗子睿宗初追謚章懷

贈皇太子重潤中宗子神德初追謚懿德

襄王重茂中宗子開元中謚傷帝

寧王憲睿宗長子開元中謚讓皇帝 妃元氏謚恭皇

后 憲子蓬州長史贈太子太師瑤肅宗時謚宣

恒王贈太子撫睿宗子開元八年謚惠莊

鄭王贈太子範睿宗子開元十四年謚惠文

薛王贈太子業睿宗子二十二年謚惠宣

許昌郡王贈太子琮玄宗子天寶中謚靖德肅宗立進

謚奉天皇帝 妃竇氏謚恭應皇后

榮王贈太子琬玄宗子天寶末謚靖恭

夏王一玄宗子以母寵故名未免懷薨謚悼

懷王愍玄宗子甫晬薨謚思

盛王琦玄宗子廣德二年薨謚宣

汴王璿玄宗子開元二十四年薨謚哀

建寧王倓肅宗子天曆中謚承天皇帝以興信公主女

張眞配謚恭順皇后

興王贈皇太子侶肅宗子上元元年謚恭懿

鄭王贈皇太子邈代宗子上元中謚昭靖

贈太子源順宗子貞元中謚文敬源見愛於德宗嘗命為子本傳列在德宗

之孫今正之

漳王贈太子湊穆宗子開成中謚懷懿

晉王贈太子普敬宗子太和中謚悼懷

雍王贈太子漢宣宗子太中時謚靖懷

睦王贈太子倚懿宗子天復初追謚恭哀

唐公主謚

平陽公主高祖女適柴紹謚昭

安興公主睿宗女早卒謚昭懷

齊國公主代宗女適郭曖謚昭懿

趙國公主代宗女初適封武清再適田緒謚莊懿

韓國公主德宗女許嫁韋宥未婚而薨謚貞穆

魏國公主德宗女適王士平謚憲穆

鄭國公主德宗女適張茂宗謚莊穆

燕國公主德宗女適回紇武義成功可汗謚襄穆

梁國公主順宗女適鄭何謚恭靖

梁國公主憲宗女適于季友謚惠康

鄭國公主憲宗女適韋讓謚温儀

岐陽公主憲宗女適杜悰謚莊淑

齊國公主宣宗女適口謚恭懷

許昌公主宣宗女適柳陟謚莊肅

衛國公主懿宗女適韋保衡謚文懿

壽安公主憲宗子絳王悟女適王元達謚章惠

郜國公主女為德宗太子妃謚惠子史不著其名應是順宗耳

唐諸臣謚

驃騎將軍贈瀛州刺史平原公劉感鳳翔人高祖時謚

忠莊

嘉州刺史安樂郡公贈洪州都督李思行趙州人助唐

興師謚襄

右武衛大將軍贈左衛大將軍幽州總管永安縣公姜

寶誼上邳人高祖時謚剛 夏州都督成紀縣侯姜

協寶誼子謚威

絳州總管鄭公羅士信歷城人高祖時謚勇

綿州刺史贈工部尚書張道源祁人高祖時謚節

兵部侍郎華州刺史贈秦州刺史開化公趙慈景初與

隋將堯君素戰被執謚忠

吏部尚書贈陝東道大行臺右僕射司空鄭國公殷開

山鄆人高祖時謚

冠軍大將軍贈代州都督許洛仁并州人太宗時謚勇

銀青光祿大夫荊州大都督長史薛大鼎汾陰人永徽

中謚恭

蒲州刺史高邑縣侯李素立高邑人高宗時謚平太  
府卿趙郡公李從之妻立孫中宗神龍中謚懿

始州刺史襄武郡公劉師立虞城人太宗時謚肅

眉州刺史贈武衛大將軍潭州大都督巢國公錢九隴  
長興人太宗時謚勇

右武衛大將軍贈荊州都督東萊公公孫武達櫟陽人  
太宗時謚莊

懷州刺史追封遂安公李安遠夏州人太宗時謚安

左光祿大夫贈尚書左僕射司空蔣國公屈突通長安  
人貞觀中謚忠

鄜夏二州都督開府儀同三司贈司徒并州都督鄂國  
公尉遲敬德善陽人高宗時謚忠武

代州都督贈左驍騎大將軍荊州都郊國公張公謹繁  
水人貞觀中謚襄

右中護太子詹事贈并州都督韋琨萬年人高宗時謚  
貞

鎮軍大將軍華州刺史贈荊州都督譙國公柴紹臨汾



人太宗時謚襄

左驍騎大將軍新興縣公馬三寶字紹家僮貞觀初謚忠

秘書監弘文館學士顏師古臨沂人太宗時謚戴

太子賓客襄陽男羅珣會稽人謚夷

左武衛大將軍胡國公秦叔寶謚失

光祿大夫特進贈開府儀同三司并州都督莒國公唐

儉晉陽人顯慶中謚襄

鎮軍大將軍贈輔國大將軍揚州都督褒國公段志玄

臨淄人貞觀中謚壯肅

前軍大總管贈開府儀同三司并州都督夔國公劉弘

基池陽人貞觀中謚襄

洪州都督贈民部尚書邢國公劉政會胙城人貞觀中

謚襄

戶部尚書贈幽州都督許國師安陸人高宗時謚簡

隴山軍討擊副使許新州刺史許欽寂園師姪孫武

后時謚忠

特進贈荊州總管譚國公竝和洛陽人貞觀中謚襄

續文獻通考

續文獻通考  
大將軍冀陝二州刺史贈荊州刺史天水郡公丘行恭和子高宗時謚襄

禮部侍郎贈尚書左大師贈特進虞國公溫彥博大雅弟高宗時謚恭 中書侍郎贈鴻臚卿清河郡公溫大有彥博弟武德中謚敬

太子少詹事贈尚書右僕射孫逖博州武水人上元中

謚文

益州大都督府長史贈禮部尚書皇甫無逸萬年人太宗時謚良

初謚孝王珪駁曰無逸入蜀不能與母俱留卒京師子道未足稱不可謂孝乃更謚良

隴州刺史贈岷州都督姜暮上邽人太宗時謚安 行軍副總管贈左衛大將軍邲國公萋確暮子太宗時謚襄

奉州刺史贈刑部尚書清河縣公崔善為武城人太宗時謚忠

潞州刺史贈齊州刺史常山縣子李嗣真邢州人武后時謚昭

歙州總管贈左驍衛大將軍越州都督宜春郡公王雄  
誕濟陰人太宗時謚忠

檢校特進西海道行軍大總管開府儀同三司贈司徒  
并州都督衛國公李三原人太宗時謚景武

太子太師贈太尉揚州大都督舒國公李勣曹州離狐  
人高宗時謚貞武

開府儀同三司同中書門下三品贈司徒并州都督許  
國公高儉字士廉齊清河王後太宗時謚文獻

內史令贈同州刺史延安郡公竇威平陸人高祖時謚

靜 檢校晉州總管贈左衛大將軍譙國公竇琮威  
弟高祖時謚敬 左武侯大將軍贈司徒竇抗威從  
兄子高祖時謚密通典作謚博 民部尚書信都男  
竇靜抗子太宗時謚肅 光祿大夫贈工部尚書荆  
州刺史莘國公竇誕太宗時謚安 將作大匠贈禮  
部尚書鄧國公竇璉抗弟太宗時謚安 檢校左相  
贈光祿大夫幽州都督鉅鹿男竇德玄威從孫太宗  
時謚恭

司空贈太尉并州都督梁國公房玄齡臨淄人太宗時

謚文昭

尚書右僕射贈開府儀同三司司空蔡國公杜如晦杜陵人太宗時謚成 檢校吏部尚書贈尚書右僕射安吉郡公杜淹如晦叔太宗時謚襄 尚書右僕射領河中忠武節度使贈太子太師襄陽郡公杜審權如晦六世孫懿宗時謚德

謚憲

國子祭酒贈太常卿曲阜縣子孔穎達衡水人太宗時

高宗時謚博

大理卿常山郡公郎穎新樂人武德時謚平特進知門下省事贈司空相州都督鄭國公魏徵曲城人太宗時謚文貞

貞

禮部尚書贈吏部永寧郡公王珪郿人太宗時謚懿少師贈開府儀同三司新昌縣公李綱齊人太宗時謚貞 右衛大將軍兼太子右衛率二部尚書武陽公李德亮涇陽人太宗時謚懿

檢校吏部尚書贈尚書右僕射道國公戴胄安陽人太  
宗時謚忠 尚書右僕射贈開府儀同三司并州太  
都督載至德胄兄子儀鳳中謚恭

散騎常侍金紫光祿大夫贈禮部尚書張後胤崑山人

永徽中謚康 後胤乃太宗少時之師 東都留守張

齊丘後胤孫謚貞獻

禮部尚書贈戶部尚書漢東郡公陳叔達陳宣帝子太

宗時謚忠

叔達閏薄汗漫爲有司所劾謚曰繆久之改謚爲忠

洛州都督特進贈潭州都督觀國公楊恭仁隋觀王雄

子太宗時謚孝 太常卿贈吏部尚書并州都督安

德郡公揚師道恭仁弟太宗時謚懿

尚書右僕射密國公封倫字德彝脩人太宗時謚繆

德彝初謚曰明然素有爲建成意卒後事寢聞民部

尚書唐倫等議倫寵極生前而罪暴身後所歷官不

可盡奪請還贈改謚以懲僉任有詔奪司空削實封

改謚曰繆

民部尚書安邑公裴矩聞喜人太宗時謚敬

右衛太將軍贈左衛大將軍涼州都督郅國公宇文士  
及長安人太宗時謚縱

士及始謚曰恭黃門侍郎劉洎曰士及居家侈肆不  
可謂恭改曰縱

宜州刺史贈幽州刺史鄭元璠榮澤人太宗時謚簡

吳王長史贈齊州都督武都郡公權萬紀萬年人太宗

時謚敏 太僕卿盧國公權弘壽萬紀族兄弟高祖

時謚恭

工部尚書贈吏部尚書并州都督大安縣公閻讓字立

德萬年人永徽中謚康 中書令博陵縣男閻立本

讓弟咸亨中謚文貞

商州刺史贈司空荊州都督宋國公蕭瑀後梁明帝子

太宗時謚貞褊

初太常謚曰肅太宗以其姓忌改貞褊

中書令贈侍中廣州都督江陵縣子岑文本棘陽人太

宗時謚憲

銀青光祿大夫弘文館學士贈禮部尚書永興人虞世

南餘姚人太宗時謚文憲

銀青光祿大夫洪廣二州都督謝叔方萬年人太宗時  
謚勤

宗正卿安平縣子李百藥安平人太宗時謚康  
荆州大都督府長史李安期百藥子高宗時謚烈

散騎常侍贈太常卿陽翟縣侯褚亮錢塘人太宗時謚  
康

散騎常侍贈太常卿豐城縣男姚思廉萬年人太宗時  
謚康 地官尚書贈越州都督姚璿思廉孫武后謚  
成

魏州刺史張知泰方城人中宗時謚定

金紫光祿大夫彭城縣公令狐德棻華原人高宗時謚  
憲

左光祿大夫太子太師幽州都督燕國公于志寧高陵  
人高宗時謚定 工部尚書贈尚書左僕射東海郡  
公子休烈志寧曾孫代宗時謚元

光祿大夫侍中兼太子少保贈開府儀同三司荊州都  
督蔣縣公高馮字季輔蔣人高宗時謚憲

尚書左僕射太子少傅贈開府儀同三司并州都督北

平縣公張行成義豐人高宗時謚定

杞州刺史平原郡公長孫敞無忌從叔太宗時謚良

澤州刺史贈荊州都督薛國公長孫順德無忌從叔

太宗時謚襄 陝州刺史贈吏部尚書樂壽縣男長

孫操無忌從弟高宗時謚安

禮部尚書贈開府儀同三司揚州大都督高陽縣男許

敬宗杭州新城人高宗時謚恭

太常博士袁思古議敬宗棄子于荒徼嫁女于蠻落

宜謚謬其孫彥伯訴思古有嫌詔更議博士王福時

曰何曾忠而孝以日食萬錢謚謬醜况敬宗忠孝兩  
棄飲食男女之累過之執不改有詔尚書省雜議更

謚曰恭

中書令贈幽大都督崔知溫鄆陵人永隆中謚忠

右散騎常侍贈越州都督高志周晉陵人高宗時謚定

國子祭酒兼弘文館學士趙弘智河南新安人高宗時

謚宣

太子少師同中書門下三品贈開府儀同三司并州大

都督固安縣公崔敦禮由博陵徙咸陽高時謚昭



趙州刺史平昌子高叡京兆萬年人武后時謚節

贈太師雍州牧益州大都督鄴王韋玄貞中宗時謚文

獻

太府卿贈蘭州都督清河郡公楊弘禮隋楊素弟之子

永徽中謚質 西臺侍郎同東西臺三品贈汴州刺

史楊弘武弘禮弟高宗時謚恭 戶部尚書贈幽州

都督楊纂弘禮族父太宗時謚恭

金紫光祿大夫贈幽州都督盧承慶涿人高宗時謚定

金紫光祿大夫贈幽州都督廣平郡公劉祥道觀城人

乾封中謚宣

同州刺史贈禮部尚書幽州都督彭城縣公劉德威彭

城人永徽中謚襄 工部尚書檢校左衛大將軍彭

城縣公劉審禮德威子儀鳳中謚僖

揚州長史贈兗州刺史趙國公李敬玄譙人高宗時謚

文憲

文昌左相同鳳閣鸞臺三品贈開府儀同三司并州大

都督樂縣男劉仁執尉氏人開元中追謚文憲

光祿大夫贈原州都督裴仁基聞喜人高祖時謚忠

金牙道大總管贈幽州都督聞喜縣公裴行儉仁

基子高宗時謚獻 侍中兼吏部尚書弘文館學士

贈太師正平縣男裴光庭行儉子玄宗時謚忠憲

初博士孫婉以光庭在吏部用循資格非獎勸之義

謚曰克平光庭與蕭嵩不合時以婉為希嵩意玄宗

聞之持賜謚忠憲

度支郎中裴倩光庭子謚節

右衛將軍田仁會長安人永徽中謚威 殿中少監右

金吾衛將軍贈輔國大將軍原國公田歸道仁會子

中宗時謚烈

絳州刺史武昌縣子孔禎山陰人高宗時謚溫 衛州

刺史銀青光祿大夫梁郡公孔若思禎從姪開元中

謚惠

禮部尚書贈吏部尚書許康佐文宗時謚懿

集賢院學士光祿大夫贈太子少保徐堅長興人玄宗

時謚文

邠王傅固安縣侯盧粲范陽人玄宗時謚景

檢校并州長史大總管贈幽州都督譙縣子婁師德原

武人聖曆三年謚貞

蒲州刺史贈幽州都督清立縣公崔義玄武城人高宗時謚貞

尚書左僕射同中書門下三品贈特進并州大都督鄭國公楊再思原武人武后時謚恭

右衛大將軍贈輔國大將軍并州都督畢國公阿史那杜余突厥處羅可汗次子永徽中謚元

右驍衛大將軍贈鎮軍大將軍薛國公阿史那忠突厥左賢王忠宿衛四十八無纖隙人比金日磾高宗時

謚貞

歸州刺史贈勝州都督駙馬都尉安國公執失思力突厥酋長高宗時謚景

鎮軍大將軍贈輔國大將軍并州都督涼國公契苾何力鐵勒部人高宗時謚毅 左鷹揚衛大將軍贈涼州刺史漁陽縣公契苾明何力子武后時謚靖

右衛大將軍贈并州大都督汴國公泉男生高麗蓋蘇文子高宗時謚襄

左驍衛大將軍朔方副大使酒泉郡公贈撥川郡王論

續文獻通考  
弓仁吐蕃族玄宗時謚忠

西南道節度使贈尚書左僕射忠義郡王裴汾疏勒部  
人元和中謚節

金紫光祿大夫皖城郡公張儉新豐人永徽中謚密

左衛大將軍贈荊州刺史范陽郡公張延師儉弟謚  
敬

隋州刺史開府儀同三司王裕并州祁人謚文 散騎

常侍贈戶部尚書王瑆裕曾孫玄宗時謚孝

涼州安集大使贈左驍騎大將軍幽州都督臨清縣公

蘇烈冀州武邑人乾封中謚莊

朔方行軍大總管贈太常卿平陽郡公薛訥龍門人仁  
貴子開元中謚昭定

朔方道總管贈右衛大將軍東平郡公程名振洛州平  
恩人太宗時謚烈

特進朔方行軍大總管贈荊州大都督宋國公唐璿京  
兆始平人延和元年謚忠

戶部尚書朔方軍節度使贈尚書左丞相中山郡公王  
駿洛陽人玄宗時謚忠烈

續文獻通考  
檢校岐州刺史贈禮部尚書幽州都督壽陵縣男柳享  
蒲州解人太宗時謚恭

東京留守判官贈禮部侍郎蔣清萊州膠水人文宗時  
追謚忠

清與李燈同死祿山之亂以秩卑不及謚太和中吏  
部郎中王高言之朝故及

司僕少卿贈越州都督徐有功文遠孫會昌中追謚忠  
正

侍中兼太子賓客贈幽州都督張文瓘貝州武城人玄

宗時謚懿

國子司業贈衛州刺史清河縣子崔融齊州全節人中

宗時謚文 中書舍人贈定州刺史崔禹錫融子開

元中謚貞 禮部尚書贈荊州大都督崔翹融子開

元中謚成 檢校尚書左僕射淮南節度副大使崔

從融曾孫太和六年謚貞 太子太保分司東京贈

司空崔慎由從子咸通中謚貞 太子太傅贈太子

太師崔安潛從子僖宗時謚貞

禮部尚書左衛大將軍贈特進并州都督芮國公豆盧

寬雍州萬年人貞觀中謚定 開府儀同三司檢校  
安國相王府長史贈司空并州大都督豆盧欽望寬  
子中宗時謚元

鸞臺侍郎同鳳閣鸞臺平章事贈司空梁公狄仁傑并  
州太原人聖曆中謚文惠

盧州刺史贈秘書監朱敬則亳州永城人睿宗時追謚  
元

右驍衛大將軍贈兵部尚書代國公安金藏長安人大  
曆中追謚忠

左庶子贈吏部尚書石泉縣公王琳字方慶晉王導之  
裔徙咸陽長安二年謚貞 太子少師贈開府儀同  
三司王瓌方慶六世孫肅宗時謚簡懷

太子賓客彭城縣君贈太子少保劉知柔延祐子開元  
中謚文

秘書員外少監兼修國史贈禮部尚書扶陽縣子韋承  
慶鄭州武陽人中宗時謚溫 陳州刺史贈兵部尚  
韋嗣立承慶弟開元中謚孝

太子少保贈尚書左丞兗國公陸象先蘇州吳郡人開

元中謚文貞 太子詹事庶平公陸餘慶象先從叔  
父開元中謚莊 太子少師贈尚書左僕射陸希聲  
象先四世從孫昭宗時謚文

文昌左相司鳳閣鸞臺三品贈益州大都督邢國公王  
及善洛州邯鄲人武后時謚貞

東都留守同中書門下三品贈侍中趙公李懷遠栢人  
人神龍中謚成

中書令贈太尉益州大都督河東侯裴炎聞喜人睿宗  
時追謚忠

太子詹事贈工部尚書范陽男張廷珪濟源人開元中  
謚貞穆

太原尹贈幽州都督彭城公韋湊萬年人玄宗時謚文  
太子太師贈司徒幽國公韋見素湊子寶應初謚忠  
貞 工部尚書東京留守贈揚州大都督南皮郡子  
韋虛心見素同宗叔謙子景龍中謚正

太子賓客長山伯韓思復京兆長安人玄宗時謚文  
兵部侍郎贈戶部尚書裴潁絳州聞喜人穆宗時謚敬  
刑部尚書贈黃門監中山公李义房子人開元中謚貞

侍中特進贈司徒譙國公桓彥範丹陽人睿宗明追謚忠烈

太子賓客魏公楊元琰閬鄉人開元中謚忠

侍中特進贈秦州都督平陽王諲暉絳州平陽人睿宗

時追謚肅愍

中書令博陵王崔玄暉博陵安平人睿宗時謚文獻

道州刺史贈太子太傅崔渙玄暉孫代宗時謚元

太常卿贈吏部尚書常山公崔縱渙子貞元中謚忠

特進襄州刺史贈中書令濮陽王張柬之襄陽人景雲

元年謚文貞

中書令特進南陽王表恕已滄洲東光人睿宗時追謚

貞烈

將作大匠開府儀同三司贈太尉益州大都督祁國公

王仁皎玄宗廢后父開元中謚昭宣

光祿卿駙馬都尉瑯琊公王同皎相州安陽人睿宗時

謚忠同皎欲誅三思廢韋后見殺

禮部尚書贈荆

州大都督王丘同皎從子天寶中謚文

彬州刺史贈司徒徐國公劉瓘求冀州武疆人開元中



謚文獻

汝州刺史贈吏部尚書荊州大都督齊國公崔日用滑

州靈昌人開元中謚昭 潞州長史中山公崔日知

日用從兄開元中謚襄

務州尉贈尚書左僕射尉州刺史齊公魏元忠宋州宋

城人開元中謚貞

沔州別駕贈左僕射郇國公韋安石萬年人玄宗天寶

中謚文貞 吏部尚書贈尚書左僕射郇國公韋陟

安石子永泰元年謚忠孝

太常博士程皎議謚忠孝顏真卿以爲許國養親不  
兩立不當合二行爲謚主客員外郎歸崇敬亦駁正  
之右僕射郭英文無學術卒用太常議云

國子祭酒贈兗州都督脩文館學士沛國公韋叔夏  
安石兄中宗時謚文 刑部尚書贈太子少傅韋抗  
叔夏從父子玄宗時謚貞

尚書左僕射贈特進荊州大都督韋巨源睿宗時謚昭  
博士李處直謚巨源爲昭戶部員外郎李邕以巨源  
附武三思爲相託韋后親屬謚昭爲非處直執不改

邕列陳其惡不見用然世皆直邕

朔方行軍大總管唐休璟始平人謚忠

秘書監贈潤州刺史常山縣公馬懷素丹徒人謚文

太子賓客弘文館學士禮部尚書元澹字行冲元魏後

裔開元中謚獻

秘書監贈禮部尚書陸堅洛陽人開元中謚懿

左散騎常侍兼國子祭酒贈禮部尚書舒國公褚無量

鹽官人開元中謚文

紫微令開府儀同三司贈揚州大都督梁國公姚崇破

石人開元中謚文獻

尚書右丞相贈太尉廣平郡公宋璟南和人開元中謚

文貞

太子少傅贈司空荊州大都督許國公蘇瓌武功人景

雲中謚文貞 紫薇侍郎同紫薇黃門平章事右丞

相許國公蘇頲瓌子開元中謚文憲

右丞相開府儀同三司贈大師燕國公張說洛陽人開

元中謚文貞

時楊伯成駁有瑕玷不從

工部尚書贈幽州都督梁國公魏知古陸澤人開元中  
謚忠

左監門大將軍應國公李粲萬年人高宗時謚明 殿  
中監同鳳閣鸞臺平章事贈忝州都督金城侯李道  
廣粲孫武后時謚成 太子詹事贈太子太傅清水  
縣男李紘道廣子開元中謚文忠

禮部尚書贈尚書右丞相魏縣侯杜暹濮陽人開元中  
謚貞孝

初謚貞肅劉同昇等以暹行忠孝謚有未盡其子又  
列訴乃更勅有司考定謚貞孝

門下侍郎贈太尉衛國公杜鴻漸濮州人大曆中謚文  
憲

荊州長史贈荊州大都督始興縣伯張九齡曲江人開  
元中謚文獻 秘書監贈禮部尚書曲江縣伯張仲  
方抗之子九齡從曾孫文宗時謚成

太子少師贈揚州大都督太子太師宜陽縣子韓休長  
安人開元中謚文忠 鎮海軍節度使加檢校左僕  
射同中書門下三品贈太傅鄭國公韓滉休子貞元

中謚忠肅 東都留守贈太子太保韓臯滉子長慶  
謚貞

工部尚書定州刺史知平北軍事贈益州大都督河東  
侯張嘉貞蒲州猗氏人開元中謚恭肅 中書侍郎  
同中書門下平章事贈太保張延賞嘉貞子德宗時  
謚成肅 中書侍郎同中書門下平章事贈太保張  
延賞嘉貞子德宗時謚成肅

江陵大都督長史贈禮部尚書源乾曜相州臨漳人天  
寶中謚懿

岐王府長史裴子餘絳州稷山人開元中謚孝

時程行謚貞中書令張說嘆曰裴程二謚可無媿  
矣尚書右僕射贈太子太傅趙城侯裴耀卿子餘弟  
天寶中謚文獻 國子祭酒工部尚書贈吏部尚書  
裴佶耀卿孫德宗時謚貞

檢校太子詹事贈兗州都督河內郡公蘇珣藍田人中

宗時謚文

工部尚書贈黃門監天水郡公尹思貞長安人開元中

謚簡

太子詹事贈黃門監畢構偃師人玄宗時謚景 廣平

太守畢炕構子謚忠 炕拒祿山城陷覆其家

禮部尚書贈江陵大都督襄陽子席豫襄陽人天寶中

謚文

太子賓客贈戶部尚書齊抗義豐人德宗時謚成

太子賓客贈禮部尚書崔沔長安人開元中謚孝

吏部尚書贈益州大都督盧從愿臨漳人開元中謚文

御史大夫贈吏部尚書金城伯李朝隱三原人開元中

謚貞

太子賓客贈禮部尚書裴謹聞喜人開元中謚懿 江

西觀察使贈尚書右僕射裴胄謹從姪德宗時謚成

國子祭酒北平縣伯陽嶠洛陽人睿宗時謚敬

河北度支營田使兼營州都督贈工部尚書宋慶禮永

平人玄宗時謚敬

太常博士張星以慶禮好功自是謚曰專禮部員外

郎張九齡申駁曰慶禮在邊三十年往城營州士纔

數千無甲兵捍衛指期而往不失所慮遂罷海運收

歲儲邊亭晏然其功可推不當醜謚慶禮兄子辭玉

亦詣闕訴改謚曰敬

左散騎常侍贈戶部尚書楊瑒華陰人玄時謚貞

東都留守贈益州大都督清河郡公崔隱甫武城人玄

宗時謚忠

太子賓客高邑伯李尚隱萬年人開元中謚貞

安州別駕贈工部尚書居巢侯劉知幾彭城人玄宗時

追謚文 吏部尚書贈陝州大都督劉滋知幾孫貞

元中謚貞 宣州刺史都團練觀察使贈吏部尚書

劉贇知幾孫德宗時謚敬

秘書監贈禮部尚書義興縣公蔣乂河南人憲宗時謚

懿

幽州守贈太尉賈循華原人建中二年謚忠

禮部尚書東京留守酒泉縣侯李愬文水人肅宗時謚

忠祿山陷東京愬與子十人皆死

左武衛大將軍贈涼州都督介休縣公郭知運晉昌人

永泰初謚威

工部尚書同中書門下三品知門下事領河東節度副

大使左相贈尚書右丞相燕國公牛仙客涇州鶉觚

人玄宗時謚貞簡

尚書左僕射同中書門下平章事贈太尉西平王哥舒翰其先突騎施酋長天寶中謚武愍

東都留守贈禮部尚書盧奕懷慎少子肅宗時死于安祿山謚貞烈

滎陽太守贈禮部尚書崔無詖博陵人肅宗時死于安祿山謚毅勇

右龍武統軍贈揚州大都督張伯儀魏州人德宗時謚恭

初伯儀卒請謚博士李吉甫以中興三十年而兵未戢者將帥養寇藩身也若以亡敗爲戒則總干戈者必圖萬全而不決戰若伯儀雖敗而其忠可錄遂謚曰恭

左羽林大將軍贈營州都督薊郡公李楷洛本契丹酋長入朝爲營州柳城人武后時謚忠烈 太尉河東節度使贈太保臨淮郡王李光弼楷洛子廣德中謚武穆

臨清尉贈秘書少監權臯丹徒人元和中謚貞孝

尚父太尉中書令贈太師汾陽王郭子儀華州鄭人建  
中二年謚忠武

朱子綱目書法曰號官爵謚咸具前乎此未有也後  
乎此無有也終綱目千三百六十二年一人而已

太子詹事贈太子太傅代國公郭曜子儀子建中三  
年謚孝

驃騎大將軍虢國公贈武威郡王李嗣業高陵人肅宗  
時謚忠勇

檢校左僕射知省事贈司空扶風郡王馬璘扶風人大  
曆中謚武

山南西道副元帥兼節度使贈太保涼國公李抱玉河  
西人大曆中謚昭武

左散騎常侍襄陽王路應三原人元和六年謚靖

宣歙觀察使贈左散騎常侍房式河南人憲宗時謚傾  
吏部尚書崔乾度曰始式刺蜀州劉闢構難卽謂闢  
曰向夢公爲上相儀衛甚盛幸無相忘闢喜以爲祥  
後闢發兵署牒首曰闢副曰式叅謀曰符載大節已  
虧不宜得謚博士李虞仲曰始闢反如式不能去又



續文獻通考  
不能死可謂求生害仁者也闢走西山召所疑畏者  
盡殺之式在其間會救得免而曰大節已虧近于謚  
言謚乃定

檢校左僕射知省事贈太子太師趙國公崔圓武城人  
大曆中謚昭襄

太保贈太師韓國公苗晉卿壺關人永泰初謚文貞

初謚懿獻元載未顯時爲晉卿所遇故諷有司改之  
荊州刺史贈吏部尚書須昌縣伯呂諲河東人永泰中  
謚肅

嚴郢以諲故吏請謚有司博士獨孤及謚曰肅郢以  
故事宰相謚皆二名請謚曰忠肅及執奏謂謚在義  
美惡不在多名文王伐崇周公殺三監淮夷重耳一  
戰而霸而謚曰文冀缺之恪甯俞之忠隨會不忘其  
君而謚曰武故知稱其大略其細也且二名謚非古  
也漢興蕭何張良霍去病霍光以文武大略佐漢致  
太平一名不盡其美乃有文忠文成景桓宣成之謚  
唐興參用漢制魏徵以王道佐時近文愛君忘身近  
貞二者並優廢一莫可故曰文貞蕭瑀端直近貞性

多猜近褊則失貞稱貞則遺褊故曰貞褊蓋有爲爲之也若跡無異稱則易以一字故杜如晦曰成封德彝曰明王珪曰懿陳叔達曰忘溫彥博曰恭岑文本曰憲韋巨源曰昭皆當時赫赫居宰相位不過一名而言故事宰相必以二名固所未聞耳如前謚遂不改

左散騎常侍信都縣伯賈至洛陽人大曆中謚文

太原尹南陽公鄧景山曹州人代宗時謚敬

中書侍郎同中書門下平章事贈司徒楊綰華陰人代

### 宗時謚文簡

初太常謚綰曰文貞比部郎中蘇端險人也特異議宰相常袞陰助之代宗以其言醜陰不實貶端巴州員外司馬賜綰謚曰文

太子太傅薊國公鮮于叔明閬中新政人德宗時謚襄中書侍郎同中書門下平章事贈太傅崔祐甫博陵人德宗時謚文貞 戶部尚書贈太子少保崔俊祐甫從子穆宗時謚肅

右散騎常侍宜城伯柳渾襄州人代宗時謚貞

續文獻通考  
檢校尚書右僕射同中書門下平章事鎮海節度使贈  
太保路隨陽平人文宗時謚貞

左散騎常侍贈禮部尚書濮海縣侯高適滄州濮海人  
永泰中謚忠

太子少師贈揚州都督郢國公韋倫京兆人德宗時致  
仕卒年八十三謚肅

東都留守贈尚書右僕射王翊晉陽人貞元中謚肅

山南東道節度使贈戶部尚書王翊兄代宗時謚  
忠 宣歙池觀察使贈吏部尚書王凝翊曾孫僖宗

時謚貞

涇原四鎮節度使贈尚書右僕射丹陽郡王朱忠亮浚  
儀人憲宗時謚靈

檢校禮部尚書贈太子少保東海郡公徐申京兆人嘗  
從曹王高討李希烈卒謚平

忠武軍節度使贈尚書左僕射高平郡公邾士美兖州  
金鄉人憲宗時謚景

昭義軍節度使贈尚書左僕射辛秘隴西人憲宗時謚  
肅後更謚懿

經文屬通元  
中書侍郎許昌縣子元載鳳翔岐山人興元元年謚荒  
後改謚成縱

尚書左僕射楊炎鳳翔天興人德宗時謚肅愍右丞孔  
戣駁之更謚平厲

御史大夫贈吏部尚書贊皇縣子李栖筠贊皇人代宗  
時謚文獻 中書侍郎同中書門下平章事贈司空

趙國公李吉甫栖筠子謚忠懿

吉甫卒太常謚恭懿博士尉遲汾請謚敬憲集賢校  
理張仲方與吉甫有隙因上議曰古之謚考大節畧

細行善善惡惡一言而足按吉甫雖多才多藝而側  
媚取容疊致台衮寡信易謀事無成功且兵凶器不  
可從我始至以伐罪則邀必成功今內有賊輔臣之  
盜外有懷毒蠱之臣師徒暴野農不得在畝婦不得  
在桑耗賦殫畜屍僵血流皆成岳毒痛之痛訴天無  
辜階禍之發實始吉甫又言吉甫平易柔寬名不配  
行請俟蔡平然後議之憲宗方用兵疾其言醜訐貶  
仲方遂州司馬更賜吉甫謚忠懿

太子少傅贈太子太保李鄴邕從孫憲宗時謚肅 太

續文獻通考  
子少師贈司徒李璣鄜孫昭宗時謚文

河東節度副大使司空贈太尉王思禮高麗人上元中  
謚武烈

檢校右僕射同中書門下平章事贈太尉金城郡王辛  
雲京蘭州金城人大曆中謚忠獻

昭義節度使檢校工部尚書贈尚書左僕射同昌郡王  
王虔休汝州梁人德宗時謚敬

檢校司空贈太師上谷郡王張孝忠奚種貞元中謚貞  
武

檢校太尉兼中書令贈太師延德郡王張茂昭孝忠  
子元和中謚獻武

檢校司徒同中書門下平章事兼侍中中書令魏博節  
度使田弘正北平盧龍人長慶元年謚忠愍 檢校

工部尚書贈尚書右僕射魏博節度使田布弘正子  
穆宗時謚孝

刑部尚書判度支贈尚書右僕射蕭國公班宏衛州汲  
人謚敬

兵部尚書判戶部贈右僕射王紹萬年人順宗時謚敬

尚書左僕射贈司徒李揆隴西人德宗時謚恭  
中書侍郎同中書門下平章事贈太子太傅趙璟隴西  
人德宗時謚貞憲

江西觀察使贈禮部尚書河間縣男齊映瀛州高陽人  
貞元中謚忠

檢校尚書左僕射同中書門下平章事宣武節度副大  
使知節度事贈太傅董晉虞鄉人貞元中謚恭惠

司空贈司徒趙宗儒鄧州穰人文宗時謚昭

檢校司空鳳翔節度使贈司徒晉陽郡公竇易直京兆

始平人文宗時謚恭惠

檢校吏部尚書兼門下侍郎同平章事贈司徒臨淮郡  
公武元衡則天皇后族裔憲宗時謚忠愍

檢校司空山南西道節度使贈司徒趙郡公李絳贊皇  
人文宗時謚貞

兵部侍郎贈禮部尚書劉迺伊闕人不從朱泚反不食  
卒德宗時謚貞惠

右丞同中書門下平章事贈兵部尚書宋申錫會昌二

司農卿贈太尉段秀實汧陽人興元元年謚忠烈

尉衛卿兼御史中丞贈司徒顏杲卿臨沂人肅宗時謚

忠節 太子太師贈司徒魯國公顏真卿杲卿弟德

宗時謚文忠元文宗時謚正烈文忠

初博士裴郁以杲卿不執政但謚曰忠議者不平故

以二字謚焉

朱子綱目書法曰書贈書謚重死節也故杲卿書謚

忠節秀實書謚忠烈真卿書謚文忠皆死節者也綱

目書贈官十二而書謚曰某者三人而已

太尉中書令贈太師西平王李晟臨潭人貞元中謚忠

武 太子少保贈太尉涼公李愬晟子憲宗時謚武

時博士元從質所議尚書省以其與父同欲改之從

質曰愬無他行以功定謚不可改也卒從之

司徒兼侍中贈太傅北平王馬燧邠城人貞元中謚壯

武少府監贈工部尚書馬暢燧子順宗時謚縱 初

暢謚敬

檢校司徒兼中書令贈太師咸寧王渾瑊鐵勒部人貞

謚忠武

系 斷曰唐書渾瑊與李晟同謚忠武通鑑於瑊獨  
不著謚何也夫瑊解奉天之圍晟收復京城且晟破  
賊時瑊亦進取咸陽其功固不相下瑊嘗謂晟秉義  
執志臨事不可奪雖知晟莫若瑊然瑊之秉義執志  
亦可知也虜尚結贊曰唐之名將之李晟與渾瑊耳  
兩王名播戎狄俱謚忠武誠非虛美分註補書輝映  
史冊宜哉

檢校尚書左僕射鎮國軍節度使贈司空武康王李元  
諒安息人貞元中謚莊威

右龍武統軍韓游環靈武人貞元中謚襄

忠州別駕贈兵部尚書陸贄嘉興人順宗時謚宣

檢校司徒兼中書令贈太師南康郡王韋臯萬年人順  
宗時謚忠武

檢校尚書左僕射同中書門下平章事贈太保馮翊郡  
王嚴震鹽亭人貞元中謚忠穆

司徒中書令贈太尉許國公韓弘匡城人憲宗時謚隱

右驍騎大將軍贈戶部尚書韓公武弘子憲宗時  
檢校司空宣武節度使贈司徒韓克弘弟穆



宗 謚肅

京兆尹兼戶部尚書贈尚右僕射吳湊濮州人章敬皇

后弟貞元中謚成 金吾衛大將軍贈太子太保吳

淑湊弟爲朱泚所害德宗時謚忠

工部尚書嚴濟美憲宗時謚溫

彭王傅贈太子少師會稽郡公徐浩越州人德宗時謚

定

左散騎常侍贈兵部尚書潘孟陽元和中謚康

門下侍郎同中書門下平章事兼戶部尚書贈司空崔

元式博州人宣宗時謚莊

檢校戶部尚書山南西道節度使贈尚書右僕射韋綬

萬年人穆宗時謚醜

工部尚書贈禮部尚書張薦深州陸澤人順宗時謚憲

江西觀察使贈左散騎常侍王仲舒祁人穆宗時謚成

尚書右僕射贈太子太保姚南仲下邳人元貞中謚貞

常州刺史檢校司封郎中獨孤及洛陽人德宗時謚憲

吏部尚書吳縣男顧少連吳人德宗時謚敬

太子 保贈尚書左僕射韋夏卿萬年人謚獻

東 寸贈太子少保許孟容長安人憲宗時謚憲

刑部尚書贈尚書右僕射李遜客居荊州長慶中謚貞

給事中御史大夫魏博宣慰使贈尚書左僕射孔巢父

孔子三十七世孫爲李懷光軍士所害德宗時謚忠

禮部尚書贈兵部尚書孔戣巢父子穆宗時謚貞

太常卿贈吏部尚書崔邠武城人憲宗時謚簡 檢校

禮部尚書贈吏部尚書崔郾弟敬宗時謚德

兵部尚書贈太子太保柳公綽華原人太和中謚元

尚書左僕射贈司空弘農郡公楊於陵漢楊震之裔太

和中謚貞孝 江州刺史贈尚左僕射楊嗣復於陵

子宣宗時謚孝穆

戶部尚書贈右僕射馬總系出扶風穆宗時謚懿

兵部尚書贈尚書左僕射餘姚郡公歸崇敬吳人德宗

時謚宣 工部尚書贈太子少師長州縣男歸登崇

敬子憲宗時謚憲

太子賓客贈工部尚書武邑縣男崔倫安平人代宗時

謚敬 宣 歛池觀察使贈工尚書崔衍倫子元和

左 市侍贈工部尚書河東郡公薛華寶鼎人憲宗

時謚宣

檢校工部尚書淮南節度使贈太子少傅衛次公河東人憲宗時謚敬

江西觀察使薛戎寶鼎人穆宗時謚簡

宣歙觀察使贈左散騎常侍王質隨時通之裔武宗時謚定

檢校禮部尚書宣武節度使北海縣子贈尚書右僕射王彥威系出太原文宗時謚清

太子少師檢校司徒贈太保滎陽公鄭餘慶滎陽人穆

宗時謚貞 山南西道節度使贈尚書左僕射鄭澣

餘慶子文宗時謚宣 太子太保鄭從謹澣子中和

時謚文忠 太子太傅贈司空鄭綱餘慶從父文宗

時謚宣

吏部尚書贈尚書左僕射鄭珣瑜滎澤人順宗時謚文獻

太常博士徐復謚珣瑜文獻兵部侍郎李巽言文者

人地用二謚非春秋之正請更謚復謂二謚周

小有之威烈慎靚周也文成文終漢也况珣瑜  
名臣二謚不嫌巽曰謚一正也堯舜是也二謚非古  
也法所不載詔從復議

尚書右僕射贈太子太保高郢衛州人順宗時謚貞

檢校吏部尚書山南西道節度使贈尚書左僕射權德

輿天水畧陽人憲宗時謚文

檢校司空左僕射贈太傅賈耽滄州南皮人順宗時謚

元靖

光祿大夫守太保贈太傅岐國公杜佑萬年人元和七

年謚安簡

山南西道節度使贈司空彭陽郡公令狐楚華原人開  
成中謚文

戶部尚書贈太子太傅上柱國裴延齡河東人元和中  
謚

門下侍郎同中書門下平章事贈太子太傅崔損系本  
博陵貞元中謚靖

太常卿贈刑部尚書韋牟萬年人貞元中謚忠

左贊 太尉太原郡公王播太原人後爲揚州人太

手 敬 檢校司空贈太尉魏郡公王起播弟宣  
宗時謚文懿

工部侍郎同中書門下平章事領鹽鐵使贈尚書左僕  
射程昇長安人憲宗時謚恭

檢校司空同中書門下平章事河中節度使贈司徒邠  
國公杜黃裳萬年人元和三年謚宣獻

太子詹事贈戶部尚書李藩趙州人憲宗時謚貞簡

吏部侍郎韋肇萬年人代宗時謚貞 河南尹贈尚書

右僕射韋貫之肇子穆宗時謚貞後謚文 秘書監

分司東都贈戶尚書韋澳貫之子懿宗時謚貞 宣

歛觀察使贈工部尚書韋溫貫之從子武宗時謚孝

同中書門下平章事邠寧節度使贈司徒南平王高崇

文自渤海徙幽州憲宗時謚威武 右金吾衛大將

軍邠州節度使贈司空高承簡崇文子憲宗時謚敬

北庭副元帥檢校司徒贈太傅劉玄佐匡城人德宗時

謚壯武

檢校右僕射兼右衛上將軍贈太子太保南克郡王伊

州人憲宗時謚壯繆

檢校 晉左僕射兼左龍武統軍贈潞州大都督彭城

郡公劉昌裔曲陽人憲宗時謚威

太子太保贈太子太師范希朝虞鄉人憲宗時謚忠武  
改謚宣武

檢校司徒兼太子太傅河東節度使贈太尉王鐸太原  
人憲宗時謚醜

鄜坊節度使贈尚書右僕射王栖曜濮陽人貞元中謚  
成 將作監河南節度使贈司徒濮陽郡公王茂元  
栖曜子憲宗時謚威

太子少保贈揚州大都督趙昌天水人憲宗時謚成  
太子賓客贈刑部尚書任迪簡萬年人憲宗時謚襄  
司徒河東節度使贈太尉李光顏河曲部人寶曆二年  
謚忠

司徒山南西道節度使贈太尉邠國公烏重胤張掖人  
文宗時謚懿穆

太子賓客贈太保于頔隋于謹七世孫謚思

頔初謚厲子季友尚憲宗女永昌公主拜駙馬都尉  
生於 獵苑中求改頔謚會徐泗節度使李愬亦爲

請謚曰思尚書右丞張正甫封還詔書右補闕  
高鉞博士王彥威持不可謂頓文吏倨疆犯命擅軍  
褻鄧欲脅制朝廷殺不辜留制遞囚使者僭正樂勢  
迫而朝非其宿心得全首領而沒猶以爲幸不宜更  
謚帝不從

工部尚書贈右僕射杜羔正倫五世孫憲宗時謚敬

檢校吏部尚書東都留守贈太子少傅杜亞京兆人貞

元中謚肅

中書令贈太師晉國公裴度聞喜人開成中謚文忠

檢校尚書右僕射贈司空晉國公裴識度子宣宗

時謚昭

司徒贈太尉涼國公李逢吉系出隴西文宗時謚成

太子少師贈太尉牛僧孺隋牛弘之裔宣宗時謚文簡

吏部侍郎贈禮部尚書韓愈南陽人長慶四年謚文

刑部尚書馮翊縣侯白居易下邳人會昌中謚文

居易臨卒遺命薄葬母請謚從弟敏中爲相請謚有

司謚之曰文 太傅太原郡公白敏中咸通中謚醜

文 下議謚博士曹鄴責其病不堅退且逐諫臣謚

法 必肆行曰醜遂以謚之

東川節度使贈吏部尚書長樂公馮宿東陽人文宗時謚懿

宿為博士時王士真死子承宗阻命不得謚宿謂世勞不可遺乃上佳謚示不忘忠

左散騎常侍贈工部尚書馮定宿弟文宗時謚節

時太常博士李虞仲建言謚者所以表德徵惡春秋褒貶法也茅土爵祿戮辱流放皆緣一時非以明示百代然而後之所以知其行者惟謚是觀古者將葬

請謚今近或二三年遠或數十年然或請謚人沒已久風績湮歇採諸傳聞不可考信誅狀雖在言與事浮臣請凡得謚者前葬一月請考功刺太常定議其不請與請而過時者聽御史劾舉居京師不得過半暮若善惡著而不請許考功察行謚之節行卓然雖無官及官卑者在所以聞詔可

山南東道節度使李翱元魏李冲十世孫謚文

中書侍郎下平章事贈司空高瓌渤海人懿宗時謚刺

博士曹璞建言瓌為宰相交游醜雜進取多蹊



徑法不思妄愛曰刺請謚爲刺從之

太子賓客敬晦河東人太中時謚肅

檢校右僕射平章事淮南節度使贈太尉趙國公李紳  
敬玄曾孫武宗時謚文肅

檢校尚書右僕射淮南節度使贈太尉贊皇男李珣趙  
郡人宣宗時謚貞穆

荆南節度使贈司空鄭肅滎陽人宣宗時謚文簡  
太保贈太傅范陽郡公盧鈞系出范陽徙藍田懿宗時  
謚元

檢校司徒太子太保贈太傅鄭畋系出滎陽昭宗時謚  
文昭

吏部尚書右僕射贈司空瑯琊侯王徽京兆人大順元  
年謚貞

侍中檢校太尉贈太子太師王處存萬年人昭宗時謚  
忠肅

騎士馬景昭宗時誘李茂貞開城門而朱全忠敗之昭  
宗得返長安故賜謚忠壯

魏博節度使檢校司徒同中書門下平章事贈太傅何

進治靈武人武宗時謚定

魏博節度使檢校太師侍中贈太師北平王羅弘信貴鄉人光化元年謚莊肅

恒州長史檢校太尉兼中書令贈太師瑯琊郡王王武俊契丹人初謚威烈貞元中更謚忠烈 恒冀節度使同中書門下平章事贈司徒清河郡公王士真武俊子元中謚景襄

成德節度使檢校司徒同中書門下三品兼太傅贈太師太原郡公王元逵回紇人廷奏子武宗時謚忠

成德節度使檢校太傅贈太傅王景崇元逵孫懿宗時謚忠穆

幽州節度副大使贈兵部尚書彭城郡公劉忬平昌人憲宗時謚恭 幽州節度副使檢校尚書左僕射同中書門下平章事贈太師劉濟忬子爲子總毒死憲宗時謚莊武 秦州刺史贈尚書左僕射彭城郡公劉濼忬次子憲宗時謚景

盧龍節度副大使檢校司徒同中書門下平章事蘭陵張仲武范陽人武宗時謚莊

盧龍<sup>方</sup>度使檢校司徒兼太傅同中書門下平章事燕國公張允伸范陽人咸通中謚忠烈

工部尚書楊昉謚恪

定州刺史定襄郡公于匡濟謚果

杜氏通典云恪果二謚謚法所無

營州都督檢校右驍騎將軍周道務母即臨川公主謚

襄武氏偽謚

太原靖王武克己武氏五世祖謚成皇帝廟號嚴祖

妣裴氏謚成莊皇后

趙肅恭王武居常武氏高祖謚章敬皇帝廟號肅祖

妣劉氏謚章敬皇后

魏義康王武儉武氏曾祖謚混元昭安皇帝廟號列祖

妣宋氏謚昭安皇后

周安成王武華武氏祖謚立極文穆皇帝廟號顯祖

妣劉氏謚文穆皇后

忠孝大王武士彟武氏父高祖時累官工部尚書封應

國公歷利荆二州都督贈禮部尚書謚定武氏時謚

無上李明高皇帝廟號太祖 妣楊氏初謚忠烈後

諡明高皇后

楚王武士讓武氏從父諡僖

蜀王武士逸武氏從父諡節 湖州刺史潁州王載德

士逸曾孫 武氏時諡武烈

梁王武元慶武氏從兄諡憲 元慶子三思中宗時諡

宣三思子魯王崇訓中宗時諡忠

魏王武元爽武氏從兄諡德 元爽子承嗣諡宣

定王武攸暨武氏從父士稜之子中宗時諡忠簡

